



張子壽文集目錄

曲江集

張

九齡

字

第一卷

頌 贊 賦

龍池聖德頌 文粹 吳華

開元紀功德頌 吳華

聖應圖贊

開元正曆握乾符頌 吳華

白羽扇賦

文粹

荔枝賦

文粹

第二卷

雜詩 樂章

南郊禮畢醑宴

早渡蒲津關

皇帝幸晉陽宮

二湘南出雀鼠谷

張子壽文集目錄

張子壽

曲江集

九齡

次成阜

經孔子舊宅

次陝州

瑞雪

溫泉歌

喜雨

次瓊岳

初出洛城

南郊樂章

太尉凱安之樂

早登太行山

過王濟墓

經河上公廟

賜諸刺史題座右

早發三鄉山行

燭龍齋祭

送十道使

送李尚書入蜀

謁玄元皇帝

龍池篇

燕國公赴朔方

登封禮畢酬宴

經華山

渡潼關

望秦於皇陵

寓直夜聽蟬

秋夜望月

喜雨

直夜簡諸公

哭李尚書

酬宋使君

詠竹

南亭宴集

經函谷關

朝堂望南山

賦芍藥

從幸溫湯喜雪

和秋夜望月

折梅

和裴侍中拜掃

贈張丞相

酬舍人見示

小園夕霽

答蔡拾遺



贈兩省舊寮

答靳博士

和幽庭春暄

周判官改秘書

酬王六書懷

酬王履震遊園林

答贈竹簪詩

酬宋使君

贈韋明府

答母基學士

酬王六寒朝

第三卷

雜詩

謁司馬道士

登恨峴山

上巳登龍山

春望書懷

重陽登龍山

院齋東閣

登南樓

望西山

登荊州城望江

秋晚登樓

登古陽雲臺

蔡起居郊館

尋幽居處

林亭詠

臨泛東湖

高齋言懷

郡內閑齋

登高安南樓

石頭驛樓

登荊州城樓

登臨沮樓

登薛公逍遙臺

同田公賦詩

遊石窟山

郡舍南園畦

荊州懷始興林泉

遊家園

晨出郡舍林下



司馬崔頌和

賦不顧秋籟

林亭寓言

感寓

贈裴耀卿

晨坐齋中

城南隅山池

舊居閑放

寄裴宣州

酬裴耀卿

第四卷

雜詩

餞王尚書出邊

送使廣州

送寶校書

東湖臨泛

送趙都護

送姚評事入蜀

餞王司馬入計

餞梁明府

餞陳學士

送楊道士

送趙少府

送蘇主簿

別鄉人南還

贈孫樹

初發江陵

贈京邑親知

寄王震

南陽道中作

使還湘水

通化門外送別

送李功曹

送李少府

送周判官

別孫侍郎

江上遇疾風

自豫章南還

呈裴宣州

懷趙二

西江夜行

道中寄遠

湘中作

自湘水南行

南還湘水言懷

初入湘中有喜

商洛山行懷古

耒陽谿夜行

江上

自彭蠡湖入江

赴使龍峽

湖口望廬山瀑布

彭蠡湖上

至玄武湖

入廬山望瀑布

次廬山

巡屬縣道中作

贈京都舊寮

贈王司馬

奉使南海

滇陽峽

使至廣州

春江晚景

津亭曉望

第五卷

詩

曲江溪中

始興溪夜上赴嶺

藍田玉山南行

巡按自灘水南行

使還都湘東作

旅宿淮陽亭

望月遠懷

秋夕望月

詠鷺

詠史

勅賜寧王池宴

龍門旬宴

天津橋宴

上陽水榭旬宴

荆谷山集會

申王園亭集宴

樂遊園宴

逍遙公舊居



玉泉山寺

樊妃塚

月夜聞鴈

庭梅詠

折楊柳

剪綵

賦得白君之出

在郡秋懷二首

為郡守戀內職

見群鴈憶二弟

叙懷二首

再往玉泉山寺

戲題春意

晨起對雪

照鏡見白髮

巫山高

聽箏

荊州作二首

獨處見群鶴

初秋憶兩弟

將還鄉示諸弟

秋懷

第六卷

制書

雜詩五首

蘇公挽歌三首

康司馬挽歌

李尚書挽歌三首

蘇氏挽歌三首

題畫山水障

南郊赦書

英華

東封赦書

英華

后土赦書

英華

籍田赦書

第七卷

勅書

制書

勅皇太子納妃

英華

勅朝集使書

英華

勅朝集使書

英華

勅朝集使書

英華

聯

勅朝集使書 英華

勅幸西京 英華

勅置十道使

勅處分舉人

勅處分縣令書

勅處分選人

勅宴朔方將士

勅慮囚

籍田制

貶韓朝宗制

停燕國公中書令制

勅歲初處分 英華

勅令禮部掌貢人

勅授十道使

勅停官祭贈太子

勅處分縣內書

勅議放私鑄錢

勅宴幽州老人

勅擇日告廟

諸王實封制

廢王皇后制

第八卷

勅書

勅薛泰書

勅張待賓書

勅張楚賓書

勅北庭將士書

勅將士百姓書

勅牛仙客書

勅王斛斯書

勅張守珪書

勅投降奚等書 英華

勅王斛斯書

勅虞靈章書

勅牛仙客書

勅張待賓書

勅金興光書 英華

勅蓋嘉運書

勅張守珪書

勅王昱書

勅張守珪書



勅張守珪書  
勅契丹王據埒書

勅契丹王據埒書 英華

第九卷

勅金興光書 英華  
勅李歸國書 英華  
勅烏知義書  
勅張守珪書  
勅張守珪書  
勅諸將士書  
勅渤海王書 英華

勅契丹涅禮書 英華  
勅李歸國書 英華  
勅溫禮書  
勅張守珪書  
勅張守珪書  
勅烏知義書  
勅新羅王書 英華  
勅渤海王書 英華

第十卷

勅渤海王書 英華  
勅烏知義書

勅渤海王書 英華  
勅王忠嗣書

勅董懲運書  
勅許齊物書  
勅王斛斯書  
勅王斛斯書  
勅王斛斯書  
勂蓋嘉運書  
勅王斛斯書

勅當息菴書  
勅陰承本書  
勅蓋嘉運書  
勅王斛斯書  
勅王斛斯書  
勂蓋嘉運書  
勅王斛斯書  
勂王斛斯書

勅蓋嘉運書

勅蓋嘉運書

第十一卷

勅李過折書

英華

勅突厥苾伽可汗書

英華

勅突厥可汗書

英華

勅突厥苾伽可汗書

英華

勅王昱書

勅突厥登利可汗書

英華

勅突厥可汗書

英華

勅突騎施毗伽可汗書

英華

勅突厥可汗書

英華

勅突厥可汗書

英華

勅突厥可汗書

英華

勅吐蕃贊普書

英華

勅章仇兼瓊書

勅吐蕃贊普書

英華

勅吐蕃贊普書

英華

第十二卷

勅書

勅吐蕃贊普書

英華

勅吐蕃贊普書

英華

勅金城公主書

勅吐蕃贊普書

英華

勅金城公主書

勅吐蕃贊普書

英華

勅張待賓書

勅牛仙客書

勅張待賓書

勅護索國王書

二首 英華

勅識匿國王書

英華

勅勃律國王書

英華

勅諸國王書

英華

勅罽賓國王書

英華

勅日本國王書

英華

勅西南蠻首領書

英華

勅靜州首領書

英華

勅蒙歸義書

英華

勅蠻首領書

英華

勅安南首領書

英華



第十三卷

復中書侍郎表 吳華

進金鏡錄表 吳華

吳華

荆州謝上表

賀赦表

冊皇太子表 吳華

進白鹿表

為王駿謝表

獻為聖真圖表

為何給事謝表

論教皇太子狀

論內勸婦女狀

論東北軍狀

論憂薛王疾狀

論薛王薨狀

請御注經狀

將士刊石紀功

傅授御注經狀

西幸改期請宣付史館狀 吳華

為寧王寫經狀

賀張待賓奏封捷狀 吳華

吳華

第十四卷

狀

賀北庭解圍狀

吳華

賀奚契丹離賀狀

賀誅奚賊狀

賀破突厥狀

賀東北累捷狀

賀突厥要重人死狀

賀突厥傷死狀

賀突厥亡徵狀

賀破賊狀

賀賊遁走狀

吳華

賀靈狀

賀待講賜衣物狀 吳華

吳華

賀雨狀

賀晴狀

吳華

賀雨狀

賀雪狀

賀祈雨有應狀 吳華

賀太陽不虧狀 吳華

吳華

賀祥雲見狀 英華  
賀進古銅器狀 英華  
賀麥登狀 英華

第十五卷

賀御製音義狀  
賀御注經狀  
賀昭陵徵應狀 英華  
賀上仙公主靈應狀 英華  
賀皇太子製碑狀  
賀集賢院學士狀  
謝加章級狀  
謝知制誥狀  
謝中書侍郎狀  
謝兩弟移官狀 英華  
謝賜食狀 英華  
謝賜藥狀 英華  
謝賜尺詩狀 英華  
謝家太子書狀

謝兩弟授官狀 英華  
謝賜衣物狀 英華  
讓賜蕃口狀 英華  
觀御製喜雪狀  
謝賜喜雪篇狀  
讓賜宅狀  
讓兩弟授官狀 英華  
謝赴祥除狀  
進龍池頌狀  
謝弟授官狀

第十六卷

策書

應道侔伊呂舉對令策三道 英華

上封事書 英華  
上姚令公書 英華  
姚令公答書  
答嚴給事書 英華  
與李讓侍御書  
奉勅送張說上賜燕序 英華



第十七卷

雜著

陪王司馬宴序 英華

益州長史宴序 英華

送高贊府序 英華

登薛公道遙臺序 英華

閻太庾嶺路序

饒宋司馬序 英華

送王長史序

韋司馬別業集畫序 英華

別韋侍御序 英華

獅子贊序 文粹

鷹鷂贊序 文粹

畫天尊像銘

裴公畫贊 英華

宋使君寫真贊 英華

惠莊太子冊文 英華

祭齊廟

代祭故人文 英華

祭李常侍文 英華

祭洪州城隍文 英華

王司馬祭妻父文 英華

祭甄都督文 英華

祭張燕公文

追贈祭文

第十八卷

墓誌

張燕公墓誌銘 英華

楊集墓誌銘 英華

王府君墓誌銘 英華

單公墓誌銘 英華

趙公墓誌銘 英華

韋府君墓誌銘

第十九卷

碑銘

靳公遺愛銘

忠憲公裴公碑銘 英華

徐文公神道碑 英華

第二十卷

牛公碑銘 英華

寶府君墓碑銘 英華

呂府君碑銘 英華

李公碑銘 英華

李府君碑銘 英華

徐樺碣銘 英華

辰州瀘溪令趙公碣銘

張子壽文集目錄畢

張子壽文集卷第一

曲江集

頌贊賦

龍池聖德頌并序

開元紀功德頌并序

聖應圖贊并序

開元正歷握乾符頌并序

白羽扇賦并序及御批

荔枝賦并序

龍池聖德頌

臣聞昔者玄德升聞皇天眷命元聖有作上帝何言必見  
意於休徵不忘象於幽贊惟茲降鑒若曰專精道周萬物



者其神尤功濟生人者其祥大粵若古始肇有君臣巢燧  
之前寂寞無紀書契而後煥炳可觀若乃鬼神睢盱品彙  
紛錯性命未正吉凶不定而太昊氏將通其德則河爲之  
出圖人食未粒鳥獸是茹時不耕稼器無耒耜而神農氏  
將教其本則天爲之雨粟蚩尤不道炎帝不制銅鐵鑄兵  
豺狼橫厲而軒轅氏將禁其暴則天爲之降玄女洪水方  
割下人昏執堯德莫能弭其災舜功不能除其害而夏后  
氏將底其績則洛爲之出書自茲以還殆三十歲矣其間  
木火更生雲物告符有若狼銜鈎魚躍舟素靈哭黃星見  
豈不以湯德有慙武善未盡漢道旣雜魏方亦偏唯以一  
至之應且爲興王之兆則未有錫真符聖受明命遠與大

禹相續超與上皇比崇如我國家之盛者焉洪惟龍池著  
天之所以祚聖即今上下石之舊真京師爽塏之所傍無  
寶澤中勿濫泉非常而靈液涓流無幾而神池浸廣榮光  
休氣若煙若雲所未嘗有則此之出清可以鑑而深不見  
底鱗介瑰詭於物其中時莫知其所然日徒見其有異中  
宗採識者之議壓王氣而來遊聖上處或躍之時出飛龍  
而合應臨淄始封也邠第在焉上黨歷試也靈符紹至天  
其以是永命我唐圖象丁寧有所底止其若茲也夫成數  
有時而否至理無代而亡固在乎大聖之生乘運而作鼓  
天下之動安天下之危故將順成功自古之啓佑也如彼  
充定多難自天之叶贊也如此初中宗韋氏后黨窺隙大



盜狃於得志羣慝起而擅權若綴旒然當此時也天與若不取鬼謀或不協則我祖宗之業無乃將墜而億兆之命亦猶倒懸聖上蹙之提劍而起雷霆一奮袂沚以清內難既衰外虞有謚推戴太上照臨萬邦實天之爲與人更始系皇統維乾綱決綻補壞蕩瑕滌穢而乃闕典咸備舊章悉舉處窮盡達在困必通品物資以再生寰區爲之一變然後返華僞於朴還澆漓於淳以太道爲原以至仁爲根動推是心以御於事人見德而興行神享誠而介福故不在於刑罰不在於禱請大造裁成玄猷充塞有如陽春播澤觸類皆滋太山起雲無遠不徧雖昆虫草木與蠻貊要荒樂其所生安其所習在牛羊而勿踐有干戈而載戢又

况於衣冠華夏禮樂家邦而不刑於斯須不久於漸漬者也夫然何教非德何化非經何能事之不舉何醇精之未極周溥洋溢於乎緝熙至於太和莫不允若體侔天地之大事出皇王之表豈擊踞曲拳盡禮極力將用考聖不啻其口所能稱誦於吾君所可殆庶於至德且往者之有開也天感精以降聖聖敬命以奉天此誠有元則欽明文思及茲報本必嚴祗齋栗靈慶以屬之神化以答之與初相明其徵乃著絲綸先兆非爲信歟由是言之統天者人合符者聖而差德序命殊尤卓絕豈多乎哉至如古之興王必有所感五帝更高五運旁通土者黃中之精於金爲王水者善利之物於土爲配苟膺期而有來必合德而爲表



是則然矣天其或者亦以阜育群化發揮茂祉始告以聖  
有明徵終成乎帝之神用因其立象之本會以相乘之數  
則載代六百歷紀千年變而通之胡可量也宗子宗正卿  
褒信郡王璆等若干人伯父伯兄仲叔季弟聚族相與詣  
闕上言天意昭著固已久矣人事符合亦云至矣而一德  
是建太階既平靈臺靈沼赫赫明明天之爲大雖莫能名  
皇王之錫豈無頌聲上初克讓抑而未許至於累請乃曰  
俞哉史臣不敏敢獻頌曰  
茫茫元昊載凝載薄在帝有犧繼天而作浩浩洪水包山  
襄陵舜亦命禹夏氏以興龍圖龜書二王是膺湯武已下  
夫何足徵

右元命

於鑠巨唐乘運而起績禹之迹系堯之紀五聖在天丕命  
曾孫高視河洛同符混元亦有黃龍出於靈沼明明穆穆  
天子之表

右聖德

倬彼東井昭章于天沈精降液下爲靈泉靈泉有泚其深  
無底泌之洋洋其甘如醴清德之鑑柔道之體洪源濬規  
實天之啓

右靈泉

濯濯靈泉洞冥皇祗滋液流衍化爲神池曰止曰行惟聖  
之作匪鱣匪鮪惟龍之躍植物斯生動物斯樂天眼有見



曾是不涸

右神池

靈有休氣紛紛郁郁如山之包如雲之簇潛龍在下瞻烏斯屋兆去其吉周爰咨詢既契我龜又叶我人錫雖舊京其命惟新

右休氣

蜿蜿黃龍神池自出靈化恍惚噴雲沃日告帝之符其儀孔吉或潛于泉或見于田與時順動亦應乎天克配我皇無得稱焉

右黃龍

開元紀功德頌并序

臣聞蠻夷猾夏唐虞已然天之所生類不可絕嘗有拓境者矣而固也爲患或有款塞者矣必也無親是以古之哲王審其若此則限以荒服斷非純臣不貢不王武功居後不庭不率文德是先三代所以直道百蠻所以向化迨乎春秋之衰諸侯以力征伐自出戎心大啓謀夏亂華于盟偪好王綱弛而若綴天道厭而將革則有強能攘劫暴息交侵雖雜霸之無成亦反經之所取其負力者乃塹山堙谷盡境而築長城其黷武者則輓粟飛芻窮兵以耗中國又失於下策而悔在末年彼王畧之不恢殆千餘載矣夫有其虞而無豫思其患而不圖所謂能國將安貴聖物豈終否道非固窮鑑之者昊天救之者英主玄命陰陽畀付



神武我太宗一戎衣而大定我皇帝再受命而太平不是  
古而務文不非今而忘戰以時變而消息元與天而合符  
日月之所照臨陰陽之所陶冶凡有在地莫不稟朔而東  
夏郡縣北隰山戎先是四十年侵軼數百里自茲氣奪數  
以病告既威讓之不恭且力制之不可或朝或否爲虺爲  
蛇幽郭未遑以滅烽邊城安得而弛柝曠日持久兵連禍  
孳率由事邊是無寧歲二十二年春乃命右羽林大將軍  
兼御史中丞幽州長史張守珪將中軍都督諸鎮雄名先  
路夷裔生風載馳信臣繼發精卒戒嚴有赫張皇若神公  
卿大夫未始測也將校部曲亦莫知也皇帝方日靖以慮  
之乾綱以斷之初決策於九重已收功於萬里矣二十二

年冬十有二月中貴將命元戎受律三軍疾雷於非時二  
庭喪膽於非意欲遁則衆潰不保欲拒則兵鋒莫當因而  
僞降幸且紆禍遂圖反覆將肆鴟張觀釁先人豈伊負我  
以間謀而情得乘猜携而計從或竒兵以嘗或厚利以啗  
無何變作果自族誅究元惡首鬼惑神誘假天威而無前  
覆鳥巢而何有於是諸部大駭率衆復歸責以不義之尤  
捨其不臣之罪旣服卽序有威且懷載籍以來固未之見  
也昔我睿祖取句驪於拾遺今茲聖謀易林胡於反掌獻  
功有績後嗣無忘百王所廢之勲四夷未賓之俗自我底  
定巍乎登皇其若此也於是彼節使與群帥因東師之凱  
旋離而族談合而公議以爲主上憫一隅之苦垂不伐之



畧以計易戰以兵去兵神斷自天虜平不日且軍未血刃  
敵免膏原家承無方之謀坐致不陣之捷有征無戰即王  
者之師歟而不彰美於吾君得無臣子之罪不表聖於帝  
載曷稱文武之時乃率其屬至於固請帝三讓德而曰俞  
哉夫曲成萬類者天爲而不有下濟北庶者聖成而不居  
物無謝生於天雖云至道人無歸功於聖何以最靈雖無  
已無名所宜絕於言象而惟忠與義固不廢於頌述大雅  
云徐方既同天子之功又曰明明天子令聞不已其此之  
謂也臣再拜頓首敢獻頌曰

赫赫天威兮被遐荒蠢茲山戎兮不來王命南仲兮整六  
師出幽陵兮羈九夷簸赤山兮蕩滄海弔無告兮伐有罪

徒不勤兮車不殆虜震驚兮兵氣倍昔負固兮今安在  
自穢兮裔既平謀既集兮聖自明我不戰兮獻我捷俾  
後兮揚天聲

聖應圖贊并序

臣聞啓聖者天也宜有以覺悟受命者聖也必有以明徵  
故神不言而可知時將至而先兆當陛下龍潛上黨也或  
託類於雲物或效靈於卜筮天之意者丁寧垂象唯恐後  
時又以潞水之泓深山鹿之捷走馳騎是獲厲流不濡非  
力所能以明或躍乾之上體時在九四神道幽贊聖期密  
邇自後而占何著明其若此蓋天福海內地降聖跡以瑞  
非常之后以決如神之策至于再三明必信耳有郡掾崔



獨特其從行見龍騎先馳謂河流可涉亦既數步邊已滅  
頂不沉也安足以驗飛無凡也於何以昭聖事來自久命  
常惟新臣不勝至願謹爲聖圖遂獻贊曰  
龍之或躍泉有可深神亦成象化爲背禽凌厲是獲明命  
則枕如彼從掾焉能不沉

開元正曆握乾符頌并序

臣伏見景寅制書以開元歷握乾符垂示天下幸其  
沙門玄奘等所言蓋部著舊傳洛下閱改顛項曆推校最爲  
精密而曰後八百歲其曆差一日當有聖人定之至于今  
曆果有差聖果有定誠非常之嘉應曠代之靈符不可得  
而間也臣誠歡誠喜臣聞天道先聖而啓期聖人後天而

奉時不當乎天心不在曆數不登乎聖道不合元符玄命  
定而王者應幽數起而明者察故洛下閱極其數而知來  
著舊傳尚其占而示後我皇帝無思而感自然玄同僧玄  
侶等幸會而言豈云素慮非人事也非神道也天固已儲  
祥以俟時積分以差日出入數代多歷年所疇人極力不  
能課其祥上林雜候亦莫徵其失則明天意以俟聖期期  
數未臻乃藏於密聖證將至如應如響被幽深之何有此  
會通之不謀所以下叶黃鐘上稽玄象以和六氣以合三  
光復其見心間不容髮斗樞且運而況於人時元氣已調  
而况於月令於戲天下之動日用不知昆蟲草木生者自  
遂麟鳳龜龍靈者自瑞鸞夷戎狄遠無不至山川鬼神幽



罔不洎此聖人所以定天下之象通天下之志夫人之道  
備也昔者河出圖洛出書自時厥後符命非一空文而無  
應其殆乎人為實錄而有徵焉用乎龍負則洛下閔者此  
其神乎不然是見之明也夫聖有時而不作物無聖而  
不覩仲尼感時於鳳鳥古人嘆壽於清河皆傷於不達而  
恨於難見我后受成命重光乎文武累聖而無窮殊祥而  
無數彼哀命之者曾不得而朝聞凡今之人誠何幸而自  
覩由是觀之當其來運唐虞之屋可封非其有時孔丘之  
徒不遇也千載之會也萬物豈知其謝生於天乎兆人亦  
云忘力於帝乎微臣荷寵靈揚休命則臣子之志在於盡  
美而惟天之 大終莫知能名不勝區區敢獻頌曰

於皇惟后受命于天時來于今兆是厥先既定乃日允時  
斯年赫赫光明應于上玄

白羽扇賦并序

開元二十四年夏盛暑奉勅使大將軍高力士賜宰臣白  
羽扇某與焉竊有所感立獻賦曰

當時而用在物所長彼鴻鵠之弱羽出江湖之下方安知  
煩暑可致清涼豈無純素采畫文章復有脩竹剖析毫芒  
提携密邇搖動馨香惟衆珍之在御何短翮之敢當而竊  
思於聖后且見持於未央伊昔臯澤之時亦有雲霄之志  
苟效用之得所雖殺身之何忘肅肅白羽穆如微風縱秋  
氣之移奪終感恩於篋中



御批答

朕頃賜扇聊以滌暑卿立賦之且見情素詞高理妙朕詳之久矣然佳彼勁翮方資利用與夫弃捐篋笥義不當也

荔枝賦并序

南海郡出荔枝焉每至季夏其實乃熟狀甚瓌詭味特甘滋百菓之中無一可比余往在西掖嘗盛稱之諸公莫之知而固未之信唯舍人彭城劉侯弱羊遷累經于南海聞斯談倍復喜歎以爲甘旨之極也又謂龍眼凡菓而與荔枝齊名魏文帝方引蒲桃及龍眼相比是時二方不通傳聞之大謬也每相顧閑議欲爲賦述而世務卒卒此志莫就及理郡暇日追叙徃心失物以不知而輕味以無比

而疑遠不可驗終然永屈况士有未效之用而身在無譽之間苟無深知與彼亦何以異也因道揚其實遂作此賦菓之美者厥有荔枝雖受氣於震方實稟精於火離乃作酸於此裔幾負陽以從宜蒙休和之所播涉寒暑而匪虧下合圍以擢本傍蔭畝而抱規紫紋紺理黛葉細枝蒼鬱而覆瓿環合而芬纒如蓋之張如帷之垂雲煙沃若孔翠于斯靈根所盤不高不卑陋下澤之沮如惡層崖之嶮巖彼前志之或妄何側生之見疵爾其勾芒在辰凱風入律肇允含滋芬敷溢溢綠穗靡靡青英苾苾不豐其華但甘其實如有意乎敦本故微文而妙質藉葯房而攢萃皮龍鱗以駢比慮玉英而含津色江萍以吐日朱苞剖明璫出



罔然數寸猶不可正未玉齒而殆銷雖瓊漿而可軟彼衆  
味之有五此甘滋之不一伊醇淑之無準非精言之能悉  
聞者歡而竦企見者訝而驚佗心恚可以蠲忿口爽可以  
忘疾且欲神於醴露何比數之相攝援蒲桃之見擬亦古  
人之深疾若乃卑軒洞開嘉賓四會時當煥煜客或煩憤  
而斯果在焉莫不心侈而體怙信雕盤之仙液實玳筵之  
綺績有終食於累百愈益氣而治內故無厭於所甘雖不  
貪而必愛沉美李而莫取浮甘瓜而自退豈一座之所榮  
冠四時之爲最夫其貴可以薦宗廟其珍可以羞王公亭  
十里而莫致門九重兮曷通山五嶠兮白雲江千里兮清  
楓何斯美之獨遠嗟爾命之不工每被銷於九口罕獲知  
能辨乎其中哉

張子壽文集卷第一



張子壽文集卷第二

曲江集

詩

奉和聖製二十七首

樂章二首

和酬諸公詩二十八首

奉和聖製南郊禮畢酬宴

配天昭聖業率土庶輝光春發三條路  
醜開百戲場流恩均庶品縱觀聚康莊  
妙舞來平樂新聲出建章分曹日抱  
戴赴節鳳歸昌幸奏承雲樂同歸湛露  
陽氣和皆有歲時厚自無疆飽德君臣  
醉連歌奉栢梁

奉和聖製早渡蒲津關

魏武中流處軒皇問道長堤春樹發高掌曙雲開龍負  
王舟渡人占仙氣來汀津會日月天仗役風雷東顧重關  
盡西馳萬國陪遠聞股肱郡元首詠康哉

奉和聖製幸晉陽宮

隋李失天策萬方罹凶殘皇祖稱義旗三靈皆獲安聖期  
將中錫王業成艱難盜移未改命曆在終履端彼汾隄帝  
鄉洪都信鬱盤一月朔巡狩群后陪清鑿霸迹在沛庭舊  
儀覩漢官唐風思何深舜典敷更寬家蒙粉掄復邑爭牛  
酒歡緬惟剪商後豈獨微雨敷三后既在天萬年斯石刊  
尊祖實我皇天文皆仰觀

奉和聖製同二相南出雀鼠谷

設險諸侯地承平聖主巡東君朝二月南旆擁三辰寒出  
重關盡年隨行漏新瑞雲叢捧日芳樹曲迎春舞詠先馳  
道恩華及從臣汾川花鳥意併奉屬車塵

奉和聖製次成阜先聖擒建德之所

天命誠有集王業初惟艱剪商自文祖夷項在茲山地識  
斬蛇處河臨飲馬間威加昔運往澤流今聖還尊祖頌先  
烈聲歌安用攀紹成即我后封岱出天關

奉和聖製過王濟墓

漢皇思鉅鹿晉將在弘農入蜀舉長筭平吳成大功與渾  
雖不協歸浩實爲雄孤績淪千載流名感聖衷萬乘渡荒  
隴一顧凜生風古節猶不弃今人爭效忠



奉和聖製經孔子舊宅

丘門大山下不見登封時徒有先王法令爲明主思恩加  
萬乘幸禮致一牢祠舊宅千年外光華空在茲

奉和聖製經河上公廟

昔者河邊叟誰知隱與仙姓名終不識章句此空傳跡爲  
坐忘晦言猶強著詮精靈竟何所祠宇獨依然道在紆宸  
睟風行動睿篇從茲比天下清淨復何先

奉和聖製賜諸州刺史以題生右

聖人合天德洪覆在元元每勞蒼生念不以黃屋尊與化  
俟群辟擇賢守列藩得人此爲盛咨岳今復存降鑒引君  
道懇勤啓政門容光無不照有象必爲言成憲知所奉致

理歸其根蕭蕭稟玄猷煌煌戒朱軒豈徒任遇重兼研寔  
錫繁載聞勵臣節持答明主恩

奉和聖製瑞雪篇雜言

萬年春三朝日上御明臺旅庭實初瑞雪兮霏微俄同雲  
兮蒙密此時騷切陰風生先過金殿有餘清信宿嬋娟飛  
雪度能使玉人俱掩燁皓皓樓前月初白紛紛陌上塵皆  
素昨訝驕陽積數旬始知和氣待迎新匪惟在人利曾是  
快天意天意豈云遙雪下不崇朝皇情翫無斃雪委方盈  
尺草樹紛早榮京坻宛先積君恩誠謂何歲稔復人和預  
敷斯箱慶應如此雪多朝冕旒兮載忻想臺笠兮農節倚  
瑤琴兮或歌續薰風兮瑞雪福浸昌應尤盛瑞雪年年常



感聖願以栢梁作長爲柳花詠

奉和聖製早發三鄉山行七言

羽衛森森西向秦山川歷歷在清長晴雲稍卷寒巖樹宿  
雨能銷御路塵聖德由來合天道靈符卽此應時巡遺賢  
一一皆羈致猶欲高深訪隱淪

奉和聖製溫泉歌雜言

有時神物待聖人去後湯還冷來時樹亦春今茲十月自  
東歸羽旆逶迤上翠薇溫泉谷恣恣佳氣色離宮弈弈斗光  
輝臨渭川近天邑浴日溫泉復在茲群仙洞府那相及吾  
君利物心玄泮凌蒼點漸漬神湯無疾苦薰歌一曲感人  
深

奉和聖製燭龍齋祭四言

上帝臨下鑒亦有光孰云陰隲惟聖克彰六月徂暑四郊  
愷陽我后其勤告于壇場精意允益群靈彭舞蔚兮朝雲  
霏然時雨雨我原田亦既有年燭龍煌煌明宗報祀予以  
助之天人帝子聞詩有訓國風茲始

奉和聖製喜雨四言

艱我稼穡載育載亨如物應之曷聖與靈謂我何德惟德  
之馨誰云天遠以誠必至太清無雲羲和頓轡于斯蒸人  
瞻彼非覲陰冥倏忽霈澤咸洎何以致之我后之感無辜  
無隲黍稷黷無卉無木敷芬黷黷黃龍勿來鳴鳥不思  
人和年豐皇心則怡豈與周宣雲漢徒詩



奉和聖製送十道採訪使及朝集使

三年一上計萬國趨河洛課最力已陳賞延恩復博垂衣  
深共理改瑟其威若首路迴竹符分鏤揚木鐸戒程有攸  
往詔餞無淹泊昭晰動天文殷勤在人虞持久望茲念亮  
然朝所託行已當自強春耕庶秋獲

奉和聖製次瓊岳韻

山嵇亦望幸雲雨見靈心岳館逢朝霽關門解宿陰咸京  
天上近清渭日邊臨我武因冬狩何言是即禽

奉和聖製送李尚書入蜀

眷言感忠義何有間山川徇節今如此離情空復然皇心  
在勤恤德澤委昭宣周月成功後明年或恐邊

奉和聖製初出洛城

東土淹龍駕西人望翠華山川祗詢物宮觀豈爲家十月  
星迴斗千官捧日車洛陽無怨思巡幸更非賒

奉和聖製謁元皇帝廟齋

興運昔有感建祠北山顛雲雷初締構日月今悠然紫氣  
尚翳鬱玄元如在焉迨茲事追遠輪奐復增鮮洞府香林  
處齋壇清漢邊吾君乃尊祖夙駕此留連樂動人神會鍾  
成律度圓笙歌下鸞鶴芝朮萃靈仙曾是福黎庶豈唯味  
虛玄賡歌徒有作微薄謝昭宣

南郊文武出入舒和之樂四言樂章

祝史辭正人神慶叶福以德昭享以誠接六變云備百禮



斯沃祀事孔明祚流萬葉

奉和聖製龍池篇

天啓神龍生碧泉泉水靈源浸迤延  
飛龍已向珠潭出積水仍將銀漢連  
岸傍花柳看勝盡浦上樓臺問是仙  
戎右元符從此得方爲萬歲壽圖川

南郊太尉酌獻武舞作凱安之樂樂章

馨香惟后德明命光天保肅祀崇聖靈  
陳信表皇道玉戚初蹈厲金匏既靜好  
介福何穰穰精誠格穹昊

奉和聖製送尚書燕國公赴朔方

宗臣事有征廟筭在休兵天與三台座  
人當萬里城朔南方偃革河陽暫揚旌  
寵錫從仙禁光華出漢京山川勤遠

暑原隰軫皇情爲奏薰琴唱仍題寶劍名  
聞風六郡勇計日五戎平山甫歸應疾  
留侯功復成歌鍾旋可望枕席豈難行  
四牡何時入吾君憶履聲

奉和聖製途經華山

萬葉華山下千巖雲漢中靈居雖突密  
睿覽忽玄同日月臨高掌神仙仰大風  
攢峯勢岌岌翊輦氣雄雄揆物知幽贊  
銘勲表聖衷會應陪檢玉來此告成功

奉和聖製早登太行山率爾言志

孟月攝提貞乘時我后征晨嚴九折度  
暮戒六軍行日御馳中道風師卷太清  
戈鋌林表出組練雪間明動植希皇  
豫高深奉睿清陪遊七聖列望幸百神  
迎氣色煙猶喜恩



光草尚榮之采稱萬歲今此復同聲

奉和聖製登封禮畢洛城醜宴

大君畢能事端辰樂成功運與千齡合懽將萬國同漢醜  
歌聖酒韶樂舞薰風河洛榮光遍雲煙喜氣通春華頓覺  
早天澤倍加崇草木皆沾被猶言不在躬

奉和聖製經函谷關作

函谷雖云險黃河復已清聖心無所隔空此置關城

奉和聖製渡潼關口號

隱嶂故城壘荒涼空戍樓在德不在險方知王道休

奉和吏部崔尚書雨後大明朝堂望南山

迢遞終南頂朝朝閭闔前揭來青嶽外高在翠微先雙鳳

褰爲闕群龍儼若仙還知到玄圃更是謁甘泉夜雨塵初  
滅秋空月正懸詭容紛入望霽色宛成妍東極華陰踐西  
彌嶠冢連奔峯出嶺外瀑水落雲邊漢帝宮將苑商君陌  
與阡林間鋪近甸煙靄遶晴川旣庶仁斯及分憂政已宣  
山公啓事罷吉甫頌聲傳濟濟金門步洋洋玉樹篇徒歌  
雖有屬清越豈同年

和黃門盧監望秦始皇陵

秦帝始求仙驪山何遽卜中年旣無效茲地所宜復徒役  
如雷奔玆怪亦雲蓄黔首無寄命赭衣相也逐人怨神亦  
怒身死宗遂覆土崩失天下龍鬪入函谷國爲項籍屠君  
同華元戮始掘旣由楚終焚乃因牧上宰議揚賢中阿感



桓速一聞過秦論載懷空杼軸

蘇侍郎紫微庭各賦一物得芍藥

仙禁生紅藥微芳不自持幸因清切地還遇艷陽時名見桐君錄香聞鄭國詩孤根若可用非直愛華滋

和崔黃門寓直夜聽蟬之作

蟬嘶玉樹枝向夕惠風吹幸入連宵聽應緣飲露知思深秋欲近聲靜夜相宜不是黃金飾清香徒爾為

和姚令公從幸温湯喜雪

萬葉飛黃馬千金狐白裘正逢銀霰積如向玉京遊瑞色鋪馳道花文拂綵旒還聞吉甫頌不共郢歌儔

和秋夜望月憶韓庶等諸侍郎因以投贈吏

部侍郎李林甫

秋天碧雲夜明月懸東方皓皓庭際色稍稍林下光桂華澄遠近壁綵散池塘鴻鳳飛難度關山曲易長擬予秉孤直虛薄忝文章握鏡慙先照持衡愧後行多才蒙器子謝筆久辭場作賦推潘岳題詩許謝康當時陪宴語今夕相忘願欲接高論清晨朝建章

和吏部李侍郎見示秋夜望月憶諸侍郎之什其卒章有前後行之戲因命僕繼作

清秋發高興涼月復開霄光逐露華滿情因水鏡搖同持亦所見異路無相招美景向空盡歡言隨事銷忽聽金華作誠如玉律調南宮尚為後東觀何其遼名數雖云隔風



期幸未遙今來重餘論懷此更終朝

和崔尚書喜雨

積陽雖有晦經月未爲災上念人天重先祈雲漢廻仁心  
及草木號令起風雷照爛陰霞上交紛瑞雨來三辰破黍  
稷四達屏氛埃池溜因添滿林芳爲洒開聽中聲滴瀝空  
處影徘徊惠澤成豐歲昌言發上才無論驗石鼓不是御  
雲臺直頌皇恩挾崇朝遍九垓

和王司馬折梅寄京邑昆弟

離別念同嬉方榮欲共持獨攀南國樹遙寄北風時林情  
迎春早花愁去日遲還聞折梅處更有隸華詩

和許給事直夜簡諸公

未央鍾漏晚仙宇藹沉沉武衛千廬石嚴扃萬戶深左掖  
知天近南窓見月臨樹搖金掌露庭沈玉樓陰他日聞更  
直中霄屬所欽聲華大國寶夙夜近臣心逸興乘高閣雄  
飛在禁林寧思竊抃者情發爲知音

和裴侍中承恩拜掃旋轡途中有懷寄州縣

官寮鄉園故親

嵩岳神惟降汾川鼎氣雄生才作霖雨繼代有清通天下  
稱賢相朝端挹至公自家來佐國移孝入爲忠霜露多前  
感丘園想舊風扈巡過晉北問俗到河東便道恩華降還  
鄉禮教崇野搏延故老朝服見兒童

和姚令公哭李尚書



貴賤雖殊等平生竊下風雲泥勢已絕山海納還通忽歎  
登龍者翻將弔鶴同琴詩猶可託劍履獨成空疇昔嘗論  
體興言每匪躬人思崔琰議朝掩祭遵公作善神何酷休  
仁命不融天文靈北斗人事罷南宮上宰旣傷舊下流迷  
感衷無恩報國士徒欲問玄穹

張丞相與余有孝廉校理之舊入代余爲荆  
州故有此贈襄州刺史宋鼎

漢上登飛幟荆南歷舊居已嘗臨砌榻更覩躍池魚盛德  
繼微眇深衷能卷舒義申蓬閣際情坦廟堂初郡挹文章  
美人懷燮理餘皇恩儻照亮豈厭承明廬

酬宋使君作

時來不自意宿昔謬樞衡竊聖負明主妨賢媿友生罷歸  
猶右職待罪尚南荆政有留裳舊風因繼組成高軒問疾  
苦蒸庶荷仁明衰廢時所薄祇言僚故情

酬通事舍人寓直見示篇中兼起居陸舍人  
景獻

軒掖殊清秘才華固在斯興因膏澤洒情與惠風吹所美  
應人譽何私亦我儀同聲感喬木比翼謝長離價以陸生  
減賢慙鮑叔知薄遊嘗獨愧芳訊乃兼施此夜金閨籍伊  
人瓊樹枝飛鳴復何遠相顧幸媿媿

和黃門盧侍郎詠竹

清切紫庭垂葳蕤防露枝色無玄月變聲有惠風吹高節



人相重身心世所知鳳皇佳可食一去一來儀

和蘇侍郎小園夕霽寄諸弟

清風閣闔至軒蓋承明歸雲月愛秋景林堂開夜扉何言  
兼濟日尚與宴私違典屬蕪葭變文因棠棣飛人倫用忠  
厚帝德已光輝贈弟今為貴方知陸氏微

和韋尚書答梓州兄南亭宴集

棠棣聞餘興烏衣有舊遊門前杜城陌池上曲江流暇日  
嘗繁會清風詠阻脩始知西峙嶽同氣此相求

與袁補闕尋蔡拾遺會此公出行後蔡有五  
韻詩見贈以此篇答焉

轍迹陳家巷詩書孟子鄰偶來乘興者不值草玄人契是

忘年合情非累日申聞君還薄暮見眷及茲辰贈我如瓊  
玖將何報所親

酬趙二侍御使西軍贈兩省舊寮

石室先鳴者金門待制同操刀嘗願割持斧竟稱雄應敵  
兵初起緣邊虜欲空使車經隴月征旆繞河風忽枉兼金  
訊非徒秣馬功氣清蒲海內聲滿栢臺中顧已塵華省欣  
君震遠戎明時獨匪報嘗欲退微躬

答陳拾遺贈竹簪

與君嘗此志因物復知心遺我鍾龍節非無玳瑁簪幽素  
宜相重雕華豈所任為君安首飾懷此代兼金

答太常靳博士見贈一絕



上苑春先入中園花盡開唯餘幽徑草尚待日光催

酬宋使君見貽

陟隣初稟訓獻策幸逢時朝列且云忝君恩復若茲庭闈  
際海曲輶傳荷天慈顧已歡鳥息聞君泣素絲才明應主  
召福善豈神欺但願白心在終然涅不緇

武司功初有幽庭春暄見詒夏首獲見以詩  
報焉

芳月盡離居幽懷重起予雖言眷事晚尚想物華初逢日  
暉方照高齋澹復虛莖成林向密花落樹應踈贈鯉情無  
間求鶯思有餘暄妍不相待含歎欲焉如

贈禮陽韋明府

君有百鍊刃堪斷七重犀誰開太阿匣持割武城雞竟與  
尚書佩還應天子提何時遇操宰當使玉如泥

酬周判官巡至始興會改秘書少監見貽之  
作兼呈耿廣州

惟昔遷樂土迨今已重世陰慶荷先德素風慙後裔唯茲  
梓桑恭豈稟山川麗于時初自勉揆已無兼濟瘠土資勞  
力良書啓蒙蔽一探石室文再擢金門第既起南宮草復  
掌西掖制過舉及小人便蕃在中歲亞司河海秩轉牧江  
湖澁勿謂符竹輕但覺消塵細一麾尚云忝十駕宜求稅  
心息已加灰跡牽且爲贅忽捧天書委將韋海隅弊朝聞  
循誠節夕飲蒙瘴厲義疾耻無勇盜憎攻亦銳葵藿是傾



心豺狼何返噬履險甘所受勞賢而相曳攬轡但荒服循  
埃便私第嘉慶於獲中恩華復尤繼無庸我先舉同事君  
猶滯當推奉使績且結拜親契更延懷安旨曾是慮危際  
善謀雖若茲至理焉可替所仗有神道况承明主惠

在洪州答綦毋學士

旬雨不愆期由來自若時尔無言郡政吾豈欲天欺常念  
消塵益惟歡草樹滋課成非所擬人望在東菑

酬王六霽後書懷見示

雲雨俱行罷江天已洞開炎氛霽後滅邊緒市中平作驥  
君垂耳為魚我膝總更憐湘水賦還是洛陽才

酬王六寒朝見詒

賈生流寓日揚子寂寥時在物多相背唯君獨見思漁焉  
江上曲雪作郢中詞忽枉兼金訊長懷伐木詩

酬王履震遊園林見詒

宅生惟海縣素業守郊園中覽霸王說上激明主恩一行  
罷蘭逕數載歷金門既負潘生拙俄從周任言遠遊戀軒  
陛蕭散及丘嫂舊徑稀人跡前池耗水痕併看芳樹老唯  
覺弊廬存自我棲幽谷逢君翳覆盆孟軒應有命賈誼得  
無冤江上傷行遠林門偶避暄地偏人事絕時霽鳥聲繁  
獨善心俱閉窮居道共尊樂因南澗藻憂豈北堂萱幽意  
如投漆新詩重贈軒平生徇知己窮達與君論

張子壽文集卷第二



